



კანონთა და ბანაკობულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1931 წლის მარტის 1.</p>	<p>№ 4 განყოფილება პირველი</p>	<p>ა/კფსრ სახალ. კომისართა საბჭოს საჭმეთა მმართვე- ლობის მიერ გამოცემული.</p>
--------------------------------	---	---

შ ი ნ ა რ ს ი:

დადგენილებანი ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

- მუხ. 41. ა/კფსრ სახალხო კომისართა საბჭოსთან აღსრულების შემოწმებელი კომისიის მოწყობის შესახებ.
- „ 42. ა/კფსრ უმაღლეს ეკონომიურ საბჭოსთან არსებული ამიერკავკასიის უმაღლესი საარბიტრაჟო კომისიის დებულების დამატების შესახებ.

დადგენილებანი ა/კფსრ სახალხო კომისართა საბჭოსი.

- „ 43. ა/კფსრ-ში 1931 წლისთვის ხრალეული კულტურების ფართობთა საბოლოოდ განსაზღვრის შესახებ.
- „ 44. ა/კფსრ სახალხო კომისართა საბჭოსთან არსებული მომზადებელი კომისიის გაუქმების შესახებ.
- „ 45. სასურსათო წიგნაკების დარიგების მიზნით ა/კფსრ-ში ქალაქის მოსახლეობის ზეღაბალი რეგისტრაციის შესახებ.
- „ 46. შეშა-ხეტყის დამზადებისათვის სადამკვერელო თვიურის ჩატარებისა და შეშა-ხეტყის დამზადების 1931 წლის გეგმის შესასრულებლად საჭიროა ლონისძიებათა შესახებ.
- „ 47. 1931 წლის საგაზაფხულო თვის კამპანიის პერიოდში სამინდვრე კულტურების კონტრაქტაციის შესახებ.

დადგენილება ა/კფსრ უმაღლესი ეკონომიური საბჭოსი.

- „ 48. ა/კფსრ-ის სარწყავ რაიონებში უმარტივეს წყალსაკულტურო ლონისძიებათა (წყალმინიმუმი) სავალდებულო წესით ჩატარების შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

41. ა/კფსრ სახალხო კომისართა საბჭოსთან აღსრულების შემოწმებელი კომისიის მოწყობის შესახებ.

რადგანაც აუცილებლად საჭიროა ბრძოლის გაძლიერება სახელმწიფო აპარატის სხვადასხვა ნაკულლოვანებასთან, განსაკუთრებით ბიუროკრატიზმთან, და ვინაიდან მთავრობის დირექტივების აღსრულების შემოწმება და მასთან დაკავ-

შირებულო საბჭოთა დისციპლინის განმტკიცება უაღრესი მნიშვნელობის ამოცანაა სოციალიზმის მშენებლობისათვის ხელმძღვანელობის გაწევის საქმეში, როდესაც უკვე მიღწეულია სახალხო მეურნეობის განვითარების აქამდე უნახავი ტემპები,—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ა/კსფსრ სახალხო კომისართა საბჭოსთან მოეწეოს მუდმივი კომისია, რომელსაც ეწოდოს „აღსრულების შემოწმებელი კომისია“.

2. აღსრულების შემოწმებელი კომისიის უაღრესი მნიშვნელობის ამოცანად ცნობილ იქნეს: სსრკ-ისა და ა/კსფსრ მთავრობის დირექტივების ფაქტიური აღსრულების შემოწმება და ყველა ხარისხის ყველა სახელმწიფო და სამეურნეო ორგანიზაციაში დისციპლინის განმტკიცება.

3. აღსრულების შემოწმებელი კომისიის შედგენილობა განისაზღვროს შემდეგნაირად: ა/კსფსრ სახალხო კომისართა საბჭოს თავმჯდომარე (აღსრულების კომისიის თავმჯდომარე) მ. დ. ორახელაშვილი, ა/კსფსრ მუშათა და გლეხთა ინსპექციის სახალხო კომისარი ა. ი. დოვადოვი (აღსრულების კომისიის თავმჯდომარის მოადგილე), ა/კსფსრ სახალხო კომისართა საბჭოს თავმჯდომარის მოადგილე მ. ა. ეგიაზარიანი, სრულიად საკავშირო კომუნისტური პარტიის (ბ) ამიერკავკასიის საოლქო კომიტეტის მდივანი ა. ი. იაკოვლევი და პროფესიონალურ კავშირთა ამიერკავკასიის საბჭოს თავმჯდომარე ვ. ი. პარუშინი.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს
თავმჯდომარე მ. ორახელაშვილი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1931 წ. თებერვლის 9.

ტფილისი.

გამოქვეყნებულია „ზარია ვოსტოკა“-ს მე-40 №-ში 1931 წ. თებერვლის 10-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

42. ა/კსფსრ უმაღლეს ეკონომიურ საბჭოსთან არსებული ამიერკავკასიის უმაღლესი საარბიტრაჟო კომისიის დებულების დამატების შესახებ.

„სრულიად საკავშირო-დასავლეთის სავაჭრო პალატასთან არსებული სახლვაო საარბიტრაჟო კომისიის დებულების დამტკიცების შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა

საბჭოს 1930 წ. დეკემბრის 13-ის დადგენილების შესაბამისად (სსრკ კან. კრ. 1930 წ. 60 №-ი, მუხ. 636)—ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისართა საბჭო ადგენენ:

1. ა/კფსრ უმაღლეს ეკონომიურ საბჭოსთან არსებული ამიერკავკასიის უმაღლესი საარბიტრაჟო კომისიის დებულების მე-2 მუხლს (ა/კფსრ კან. კრ. 1928 წ. მე-2 №-ი, მუხ. 24) დაემატოს პუნქტი „ზ“ შემდეგი შინაარსისა:

(მუხ. 2. ქონებრივ დავათა რიცხვიდან, რაც ამიერკავკასიის უმაღლეს საარბიტრაჟო კომისიის ექვემდებარება, გამოირიცხება:)

„ზ) დავა ზღვაში დალუბისაგან გადარჩენისა თუ დახმარების გაწევისათვის გასამრჯელოს შესახებ“.

2. წინადადება მიეცეს ა/კფსრ შედგენილობაში შემაჯავებელი რესპუბლიკების მთავრობათა შეიტანონ რესპუბლიკების კანონმდებლობაში ის ცვლილებები, რაც გამომდინარეობს 1-ლ მუხლში აღნიშნული საზღვაო საარბიტრაჟო კომისიის დებულებიდან და გაითვალისწინონ საზღვაო საარბიტრაჟო კომისიის ძალაში შესული გადაწყვეტილების იძულებით აღსრულების წესი.

ამიერკავკასიის ცენტრალური აღმასრულებელი

კომიტეტის თავმჯდომარე მ. ცხაკაია.

ა/კფსრ სახალხო კომისართა საბჭოს

თავმჯდომარის მოადგილე მ. ეგიაზარიანი.

ამიერკავკასიის ცენტრალური აღმასრულებელი

კომიტეტის მდივანი ა. შავერდოვი.

1931 წ. თებერვლის 12.

ტიფლისი.

დადგენილება ა/კფსრ სახალხო კომისართა საბჭოსი.

43. ა/კფსრ-ში 1931 წლისთვის ხრალეული კულტურების ფართობთა საბოლოოდ განსაზღვრის შესახებ.

„ა/კფსრ-ში ხრალეული საქსოვი კულტურების მაქსიმალური გაშენებისათვის საჭირო ღონისძიებათა შესახებ“ გამოცემული ა/კფსრ სახალხო კომისართა საბჭოს 1930 წ. ოქტომბრის 14-ის დადგენილების (ა/კფსრ კან. კრ. 1930 წ. მე-19 №-ი, მუხ. 216) 1-ლი მუხლისა და „1931 წ. საგაზაფხულო სასოფლო-სამეურნეო კამპანიის გეგმის შესახებ“ გამოცემული ა/კფსრ სახალხო კომისართა საბჭოს 1931 წ. იანვრის 6-ის დადგენილების („ზარია ვოსტოკა“-ს მე-7 №-ი 1931 წ. იანვრის 7-სა) მე-III კარის მე-2, 3 და 8 მუხლების შესაცვლელად—ა/კფსრ სახალხო კომისართა საბჭო ადგენს:

ა/კფსრ-ში 1931 წლისთვის საბოლოოდ განსაზღვრულ იქნეს ხრალეული კულტურებისათვის შემდეგი ფართობები (ჰექტარობით):

	აზერბაიჯანის სსრ-ში			სომხეთის სსრ-ში			საქართველ. სსრ-ში			სულ ა/კსფსრ-ში		
	საბჭო- საქართველო საზღვრის სადასრუ- ლებელი	საბჭო- საქართველო სადასრუ- ლებელი	შ. მ. რ.	საბჭო- საქართველო სადასრუ- ლებელი	საბჭო- საქართველო სადასრუ- ლებელი	შ. მ. რ.	საბჭო- საქართველო სადასრუ- ლებელი	საბჭო- საქართველო სადასრუ- ლებელი	შ. მ. რ.	საბჭო- საქართველო სადასრუ- ლებელი	საბჭო- საქართველო სადასრუ- ლებელი	შ. მ. რ.
კნაფი	8.000	1.100	9.100	—	—	—	8.000	1.250	9.250	16.000	2.350	18.350
კნდირი	—	3.000	3.000	—	—	—	—	—	—	—	3.000	3.000
რამი	—	500	500	—	—	—	—	2.000	2.000	—	2.500	2.500
ლუფა	—	—	—	—	—	—	200	—	200	200	—	200
ბაოიანი ზოკლი	100	100	200	—	—	—	—	100	100	100	200	300
კნაფი	1.000	450	1.450	300	—	300	700	250	950	2.000	700	2.700
სანერგეები	—	250	250	—	—	—	—	160	160	—	410	410
დამზარე	—	600	600	—	—	—	—	500	500	—	1.100	1.100
ჯამი	9.100	6.000	15.100	300	—	300	8.900	4.260	13.106	18.300	10.260	28.560

ა/კსფსრ სახალხო კომისართა საბჭოს თავმჯდომარე შ. ორახელაშვილი.

ა/კსფსრ სახალხო კომისართა საბჭოს საკმეთა მმართველის თან. დრ. აღმ. ა. ბანოვიჩი.

1931 წ. თებერვლის 1.

ტფილისი.

გამოქვეყნებულია „ზარია ვოსტოკა“-ს 61 №-ში 1931 წ. მარტის 4-ს,

დადგენილება ა/კსფსრ სახალხო კომისართა საბჭოსი.

44. ა/კსფსრ სახალხო კომისართა საბჭოსთან არსებული მომზადებული კომისიის გაუქმების შესახებ.

რადგანაც აუცილებლად საჭიროა, რომ ა/კსფსრ საკანონმდებლო ორგანოები განტვირთულ იქნენ მეორე ხარისხოვანი საკითხებისაგან და შემცირდეს ახლად მისაღები საკანონმდებლო აქტების რიცხვი, რათა ა/კსფსრ სახალხო კომისართა საბჭოს და უმაღლესი ეკონომიური საბჭოს მუშაობა სწარმოებდეს უმთავრესად სახალხო მეურნეობისა და სახელმწიფო მმართველობის ძირითადი ამოცანების გადაწყვეტის გარშემო, აგრეთვე რათა გაძლიერებულ იქნეს უწყებების ხელმძღვანელთა და მომუშავეთა პასუხისმგებლობა მათთვის დაკისრებული სამუშაოსათვის,—ა/კსფსრ სახალხო კომისართა საბჭო ადგენს:

1. გაუქმებულ იქნეს ა/კსფსრ სახალხო კომისართა საბჭოსთან არსებული მომზადებული კომისია და ა/კსფსრ სახალხო კომისართა საბჭოს 1928 წ. აგვისტოს 23-ის დადგენილება ამ კომისიის დებულების დამტკიცების შესახებ (ა/კსფსრ კან. კრ. 1928 წ. მე-18 №-ი, მუხ. 195).

2. მიენდოს ა/კსფსრ სახალხო კომისართა საბჭოს და უმაღლესი ეკონომიური საბჭოს საქმეთა მმართველობას არ მიიღოს ა/კსფსრ სახალხო კომისართა საბჭოს და უმაღლესი ეკონომიური საბჭოს მიერ გადასაწყვეტად ისეთი საკითხები, რაც შეუძლიანთ გადასწყვიტონ სახალხო კომისარიატების ან სხვა დაწესებულებების ხელმძღვანელთ დამოუკიდებლად ან დაინტერესებული უწყებების ხელმძღვანელთ შრთიერთ შორის შეთანხმებით.

3. დაევალოს ა/კსფსრ სახალხო კომისარებს და დამოუკიდებელ დაწესებულებათა ხელმძღვანელებს—დაამყარონ მათ ქვემდებარე ორგანოებში ცალკეული მომუშავეების სასტიკი პერსონალური პასუხისმგებლობა მთავრობისა ან ამა თუ იმ სახალხო კომისარიატის (დაწესებულების) დავალების ვადაზე შეუსრულებლობისათვის; ამასთან ერთად—თვალსაჩინოდ შეამცირონ დროებითი კომისიებისათვის დასავალდებელი სამუშაო.

4. მიენდოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—განახორციელონ ღონისძიებანი სათანადო ხელმძღვანელი ორგანოების მცირემნიშვნელოვანი საკითხებისაგან განტვირთვისათვის და უწყებების ხელმძღვანელთა და მომუშავეთა პასუხისმგებლობის გაძლიერებისათვის მათთვის დაკისრებული სამუშაოს შესრულების სფეროში.

ა/კსფსრ სახალხო კომისართა საბჭოს
თავმჯდომარე მ. ორახელაშვილი.

ა/კსფსრ სახალხო კომისართა საბჭოს საქმეთა
მმართველის თან. დრ. აღმ. ა. ბანოვიჩი.

1931 წ. თებერვლის 8.

№ 324.

ტფილისი.

გამოქვეყნებულია „ზარია ვოსტოკა“-ს 42 №-ში 1931 წ. თებერვლის 12-ს.

დადგენილება ა/კსფსრ სახალხო კომისართა საბჭოსი.

45. სასურსათო წიგნაკების დარიგების მიზნით ა/კსფსრ-ში ქალაქების მოსახლეობის ხელახალი რეგისტრაციის შესახებ.

1931 წ. აპრილის 1-დან ა/კსფსრ-ში ახალი, მთლად სსრკ-ისათვის ერთიანი, სახის სასურსათო დოკუმენტების შემოღების მიზნით და მოსახლეობის იმ კონტინგენტის გამოსარკვევად, რომელიც მომარაგებულ უნდა იქნეს საქალაქო ნორმების მიხედვით, ა/კსფსრ სახალხო კომისართა საბჭო ადგენს:

1. სამომხმარებლო კოოპერატივების ამიერკავკასიის კავშირმა, ა/კსფსრ სახელმწიფო საეგემო კომისიასთან ერთად, უნდა მოახდინოს ა/კსფსრ ქალაქების მოსახლეობისა და იმ ქალაქგარეთი მოსახლეობის ხელახალი რეგისტრაცია, რომელსაც საქალაქო ნორმებით მომარაგების უფლება აქვს.

2. ხელახალი რეგისტრაციისა, სასურსათო დოკუმენტების დამზადებისა და დარიგების ოპერაცია ჩატარებულ უნდა იქნეს მიმდინარე წლის მარტის 1-დან აპრილის 1-დღე.

3. ა/კსფსრ ტერიტორიაზე ხელახალი რეგისტრაციისათვის ხელმძღვანელობის გასაწევად მოწყობილ იქნეს ამიერკავკასიის კომისია სამომხმარებლო კოოპერაციის ამიერკავკასიის კავშირისა (გამგეობის წევრი—კომისიის თავმჯდომარე), ა/კსფსრ სახელმწიფო საეგემო კომისიისა, ა/კსფსრ მომარაგების სახალხო კომისარიატისა, ა/კსფსრ მუშათა და გლეხთა ინსპექციის სახალხო კომისარიატისა და პროფესიონალურ კავშირთა ამიერკავკასიის საბჭოს წარმომადგენელთაგან; კომისიამ ხელახალი რეგისტრაცია უნდა აწარმოოს რესპუბლიკანური კომისიების მეშვეობით.

4. მიენდოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს დაუყოვნებლივ მოაწყონ ხელახალი რეგისტრაციის ჩასატარებლად რესპუბლიკანური კომისიები სათანადო რესპუბლიკანური დაწესებულებებისა და ორგანიზაციების წარმომადგენელთაგან.

5. რათა ხელახალი რეგისტრაცია სისწორით იქნეს ჩატარებული და რეგისტრაცია სავსებით მოიცვას მოსამარაგებელი მოსახლეობა—მიენდოს ამიერკავკასიის კომისიის მისცეს ადგილებს სახელმძღვანელოდ დაწვრილებითი ინსტრუქცია.

6. რადგანაც შრომის ორგანოების აღნუსხვაზე უმუშევარი აღარ ირიცხებიან, მიენდოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—ნებადართონ რესპუბლიკანურ კომისიებს და ხელახალი რეგისტრაციის ადგილობრივ ხელმძღვანელებს მოახდინონ მობილიზაცია როგორც დაწესებულებათა მოსამსახურებისა, ისე მოსწავლეებისა, სარეგისტრაციო და საინსტრუქტორო პერსონალის სახით; ამასთანავე სარეგისტრაციო მუშაობისათვის მობილიზებული მოსამსახურენი დაწესებულებათა ადმინისტრაციამ უნდა გაანთავისუფლოს ხოლმე მუშაობისაგან ორი საათით ადრე მეცადინეობის გათავე-

ბამდე მთელი იმ ხნის განმავლობაში, რაც ხელახალი რეგისტრაცია იწარმოებს, და აგრეთვე სამი დღით თვით რეგისტრაციის დაწყებამდე.

7. წინადადება ეძლევა ყველა სახელმწიფო, კოოპერატიულ და საზოგადოებრივ დაწესებულებას და ორგანიზაციას—ხელი შეუწყოს სამომხმარებლო კოოპერაციას და სახელმწიფო საკვებო კომისიის რეგისტრაციის ჩატარებაში.

ა/კსფსრ სახალხო კომისართა საბჭოს
თავმჯდომარე მ. ორახელაშვილი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანაფიჩი.

1931 წ. თებერვლის 8.

№ 332.

ტფილისი.

გამოქვეყნებულია „ზარია ვოსტოკა“-ს 52 №-ში 1931 წ. თებერვლის 22-ს.

დადგენილება ა/კსფსრ სახალხო კომისართა საბჭოსში.

46. შეშა-ხეტყის დამზადებისათვის სადამკვრელო თვიურის ჩატარებისა და შეშა-ხეტყის დამზადების 1931 წ. გეგმის შესასრულებლად საჭირო ღონისძიებათა შესახებ.

აღინიშნოს, რომ შეშა-ხეტყის დამზადების გეგმა 1930 წლის განსაკუთრებული კვარტალისა შესრულებულია თვალსაჩინო ნაკლებობით, რაც გამოიწვია ა/კსფსრ შედგენილობაში შემავალი რესპუბლიკების სახალხო კომისართა საბჭოებისა, აგრეთვე ა/კსფსრ უწყებებისა და ორგანიზაციების მიერ საჭირო ღონისძიებათა მიუღებლობამ როგორც გეგმის შესრულების, ისე ა/კსფსრ სახალხო კომისართა საბჭოს 1930 წ. ნოემბრის 26-ის დადგენილების რეალიზაციისათვის, რომელი დადგენილებითაც გათვალისწინებულია ღონისძიებანი შეშა-ხეტყის დამზადების გეგმის შესრულებისათვის. ამისდამიხედვით და შეშა-ხეტყის დამზადების 1931 წ. გეგმის შესრულების უზრუნველყოფის მიზნით ა/კსფსრ სახალხო კომისართა საბჭო ადგენს:

I. წინადადება მიეცეს ყველა დამმზადებელ ორგანიზაციას მოათავსოს შეშა-ხეტყის დამზადების 1931 წლის I-ლი კვარტალის გეგმაში 1930 წლის განსაკუთრებული კვარტალის გეგმის შეუსრულებელი ნაწილი.

II. რათა შეშის დამმზადებელმა ორგანიზაციებმა უცილობლად შეასრულონ შეშა-ხეტყის დამზადების 1931 წლის გეგმა და ლიკვიდირებულ იქნეს განსაკუთრებული კვარტალის გეგმის ნაწილის შეუსრულებლობა, საჭიროდ იქნეს ცნობილი:

1) პერიოდი თებერვლის 15-დან მარტის 15-დე გამოცხადებულ იქნეს სადამკვერლო თვიურად შეშა-ხეტყის დამზადებისათვის.

2) წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს დაუყოვნებლივ განახორციელონ ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1930 წ. ივლისის 3-ის დადგენილება „ხეტყის დამზადებისა და წყლით ჩამოტივტივების სამუშაოთა გაძლიერების ღონისძიებათა შესახებ“ (ა/კსფსრ კან. კრ. 1930 წ. მე-13 №-ი, მუხ. 147).

3) შეშა-ხეტყის დამზადების სადამკვერლო თვიური ჩატარებულ უნდა იქნეს ფართოდ გაშლილი სოციალისტური შეჯიბრებისა და დამკვერლობის საფუძველზე, და დამზადების თვითეულ რაიონში უნდა მოეწყოს და მიმაგრებულ იქნეს ერთი დამკვერლი ბრიგადა მაინც, რისთვისაც:

ა) ეთხოვოს პროფესიონალურ კავშირთა ამიერკავკასიის საბჭოს წარავლინოს ხეტყის დამზადების რაიონებში პროფმომუშავეთა საჭირო რიცხვი სოციალისტური შეჯიბრებისა და დამკვერლობის ხელმძღვანელობისა და ფართოდ გაშლისათვის, ადგილებზე პროფმუშაობის გაძლიერებისა და შრომის დისციპლინის წარმატებისათვის ხეტყის დამზადების ადგილებში;

ბ) გაძლიერებულ იქნეს ადგილობრივი საპროფკავშირო ორგანიზაციების ჩაბმა შეშა-ხეტყის დამზადების მსვლელობისათვის საზოგადოებრივი კონტროლის გასაწევად საჭირო მუშაობაში, რისთვისაც გაშლილ უნდა იქნეს ფართო კამპანია შემხვედრი გეგმის მოწყობისა, შრომის ნაყოფიერების გადიდებისა, მუშაძალის ცვალებადობასთან ბრძოლისათვის და სხვ.;

გ) შემოღებულ უნდა იქნეს ფართო პრაქტიკა იმ ბრიგადების და ინდივიდუალური დამკვერლების დაპრემირებისა, რომელთაც თავი იჩინეს;

დ) ყველა დამზადებელმა ორგანიზაციამ უნდა შექმნას საპრემიო ფონდი, რისთვისაც იგი გამოჰყოფს საჭირო ფულად თანხებს;

ე) დამზადებელმა ორგანიზაციებმა თვიურის დასაწყისშივე და დამთავრებადღე უნდა გაჰგზავნონ შეშა-ხეტყის დამზადების ადგილებში სატყეო სამრეწველო მეურნეობების და ცენტრალური აპარატების პასუხისმგებელი მომუშავენი.

წინადადება მიეცეს ა/კსფსრ შემავალი რესპუბლიკების სახალხო კომისართა საბჭოებს:

ა) შეამოწმონ ერთი დეკადის ვადაზე შეშა-ხეტყის დამზადების საგანგებო სამეულებების მოწყობა ადგილობრივ ძირითადი დამზადების რაიონებში, აგრეთვე მათი მუშაობაც და განაახლონ შრომისუწნარო სამეულები;

ბ) დაუყოვნებლივ დაავალონ სასამაროლო ორგანოებსა და პროკურატურას უცილობლად პასუხისგებაში აძლიონ ის პირნი, რომელნიც ჰტუშავენ შეშა-ხეტყის დამზადების საქმეს, და სასწრაფო წესით განიხილონ ხოლმე სათანადო საქმეები.

III. დაეკისროს საგანგებო სამეულების წევრებს მთელი პასუხისმგებლობა ხეტყის დამზადების გადიდებული პროგრამის შესრულებისა, გამოტანისა და წყლით ჩამოტივტივებისათვის 1931 წ. 1 კვარტალში.

IV. დავეალოს საგანგებო სამეულებს წარუდგინონ ხოლმე რეგულიარულად შეშა-ხეტყის დამზადებისათვის დანიშნულ ა/კსფსრ სახალხო კომისართა საბჭოს განსაკუთრებულ რწმუნებულსა და ა/კსფსრ შედგენილობაში შემავალი რესპუბლიკების განსაკუთრებულ რწმუნებულთ დეკადობითი ცნობები შეშა-ხეტყის დამზადებისა და გამოტანის საქმის მსვლელობის შესახებ და თავის დროზე აცნობონ ხოლმე შტაბს ის სიძნელენი, რაც კამპანიის მსვლელობას აბრკოლებს, სათანადო ღონისძიებათა მისაღებად.

V. ხეტყის დამზადების თვიურის ჩასატარებლად და ხელმძღვანელობის გასაწყევად—ა/კსფსრ სახალხო კომისართა საბჭოს განსაკუთრებულ რწმუნებულთან, მისი თავმჯდომარეობით, მოეწყოს შტაბი პროფესიონალურ კავშირთა ა/კსფსრ საბჭოს, ა/კ. ტყე-ქაღალდის ტრესტისა, ა/კსფსრ მუშათა და გლეხთა ინსპექციის სახალხო კომისარიატისა და გზათა სახალხო კომისარიატის ამიერკავკასიის სარაიონო სატყეო სამმართველოს წარმომადგენელთა შედგენილობით.

VI. წინადადება მიეცეს ა/კსფსრ შრომის სახალხო კომისარიატს და რესპუბლიკანურ შრომის სახალხო კომისარიატებს უზრუნველჰყონ საესებით შეშა-ხეტყის დამზადებელი ორგანიზაციების განცხადებული საჭიროებანი მუშახელით და ჰაპანზიდვის საშუალებით, რისთვისაც ადგილებზე უნდა შეიქმნას დამატებითი შემგროვებელი აპარატი.

ა/კსფსრ შრომის სახალხო კომისარიატთან, აგრეთვე რესპუბლიკანურ შრომის სახალხო კომისარიატებთან გამოყოფილ უნდა იქნენ ისეთი პირნი, რომელნიც პასუხისმგებელნი იქნებიან მუშა-ძალისა და ჰაპანზიდვის საშუალებათა მოგროვებისათვის შეშა-ხეტყის დასამზადებლად.

VII. დავეალოს დამზადებულ ორგანიზაციებს—უზრუნველჰყონ შეშა-ხეტყის დამზადებაზე მოსაქმე მუშები ბინებით.

VIII. ამიერკავკასიის კოლმეურნეობათა ცენტრმა და რესპუბლიკანურმა კოლმეურნეობათა ცენტრებმა სამი დღის ვადაზე უნდა მისცენ ადგილებს დირექტივები, რათა კოლექტიურ მეურნეობათა მთლად თავისუფალი მუშა-ძალა და ჰაპანზიდვის საშუალებანი გაგზავნილ იქნენ ხეტყის დაზადებაზე.

პასუხისმგებლობა ამ დირექტივის შესრულებისა და მუშა-ძალისა და ჰაპანზიდვის საშუალებათა ხეტყის დამზადებაზე დროულად გასვლისათვის დაეკისროს ამიერკავკასიისა და რესპუბლიკანური კოლმეურნეობათა ცენტრების თავმჯდომარეთ.

IX. ა/კსფსრ მომარაგების სახალხო კომისარიატმა ორი დღის ვადაზე უნდა გამოჰყოს შეშა-ხეტყის დამზადებისათვის საჭირო რაოდენობის ფურაჯი (განსაკუთრებით თივა) დამზადებელი ორგანიზაციების განცხადებისამებრ და თვალყური ადევნოს სადარგო შენაერთების მიერ შეშა-ხეტყის დამზადების მოამარაგებას.

ვიდრე დამზადებელი ორგანიზაციები ფურაჯით მთლად იქნებიან დაკმაყოფილებულნი, ნება მიეცეს მათ მოაწყონ ადგილობრივ გლეხებისა და კოლექტიურ მეურნეობათაგან ბზისა, ჩალისა და თივის შესყიდვა, რაც უნდა აწარმოონ „სოიუზხლებ“-თან შეთანხმებით.

X. სატრანსპორტო საშუალებათა საერთო-საკავშირო შენაერთის ამიერკავკასიის სამხარეო კონტორამ ხუთი დღის ვადაზე უნდა გამოჰყოს მაქსიმალური რაოდენობის ზიდვის საშუალებანი ხეტყის დამზადებისათვის, დამზადებელი ორგანიზაციების განცხადებისამებრ, ხოლო დამზადებელმა ორგანიზაციებმა ორი დღის ვადაზე უნდა წარუდგინონ სატრანსპორტო საშუალებათა საერთო-საკავშირო შენაერთის ამიერკავკასიის სამხარეო კონტორას განცხადებანი ზიდვის საშუალებათა შესახებ.

ა/კ. რკინის გზების დირექციამ უნდა რეალურად უზრუნველყოს დამზადებელი ორგანიზაციების განცხადებული საჭიროებანი ვაგონებით ხეტყისა და შეშის გადასაზიდად პირველყოვლისა იმ რაიონებში, სადაც დიდი დაგროვებაა.

სამომხმარებლო კოოპერატივების ამიერკავკასიის კავშირმა უნდა უზრუნველყოს ხეტყის დამზადების საქმის სრული და დაუტყდებელი მომარაგება სამრეწველო და სასურსათო საქონლით და განსაკუთრებული ყურადღება უნდა მიაქციოს იაფი საქონლის ასორტიმენტის შერჩევას. დამზადებელმა ორგანიზაციებმა ორი დღის ვადაზე უნდა წარუდგინონ სამომხმარებლო კოოპერატივების ამიერკავკასიის კავშირს ცნობები სამრეწველო საქონლის ფონდისადმი დავალიანების შესახებ.

სახელმწიფო ბანკის ამიერკავკასიის კონტორამ უნდა მიიღოს ღონისძიებანი შეშა-ხეტყის დამზადებელი მუშებისადმი დავალიანების ლიკვიდაციისათვის და გადასცეს სატყეო სამრეწველო მეურნეობათ საჭირო რაოდენობის ფულის ნიშნები, ხოლო დამზადებელმა ორგანიზაციებმა ორი დღის ვადაზე უნდა წარუდგინონ სახელმწიფო ბანკის ამიერკავკასიის კონტორას ცნობები მუშებისადმი სამუშაო ხელფასის დავალიანების შესახებ.

მიენდოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—წინადადება მისცენ ჯანმრთელობის სახალხო კომისარიატებს სასწრაფოდ გადაგზავნონ ხეტყის დამზადების ადგილებზე საჭირო რაოდენობის სამედიცინო პერსონალი და საკმარისი რაოდენობის მედიკამენტები.

დაევალოს ა/კსფსრ მიწათმოქმედების სახალხო კომისარიატს, ამხ. ვეზიროვის პირადი პასუხისმგებლობით, ერთი დეკადის ვადაზე დაამთავროს საუწყებათაშორისო გადაწყვეტა გაქიანურებული საკითხისა ტყის საკაფავების მიჩენის შესახებ და საბოლოოდ და მტკიცედ მიუჩინოს ა/კ. ტყე-ქალაღლის ტრესტს და გზათა სახალხო კომისარიატის ამიერკავკასიის სარაიონო სატყეო სამმართველოს ისეთი რაოდენობის ტყის საკაფავები, რაც სასებით უზრუნველყოფს შეშა-ხეტყის დამზადების 1931 წლის გადიღებული გეგმების შესრულებას.

დამზადებელმა ორგანიზაციებმა ხუთი დღის ვადაზე უნდა წარუდგინონ ა/კსფსრ მიწათმოქმედების სახალხო კომისარიატს და ა/კსფსრ შედგენილობაში შემავალი რესპუბლიკების მიწათმოქმედების სახალხო კომისარიატებს განცხადებანი ტყის დამატებით მიჩენის შესახებ.

ა/კ. ტყე-ქალაღლის ტრესტმა და გზათა სახალხო კომისარიატის ამიერკავკასიის სარაიონო სატყეო სამმართველომ უნდა განახორციელონ ხის ჰრის მაქსიმალური კონცენტრაცია მიჩენილ ტყის საკაფავებში.

რათა შეშა-ხეტყის დამზადება ნორმალურად მიმდინარეობდეს 1931 წლის უკანასკნელ კვარტალებში და 1932 წელს, დავვალოს, ა/კ. ტყე-ქალაღის ტრესტს და გზათა სახალხო კომისარიატის ამიერკავკასიის სარაიონო სატყეო სამმართველოს—დააჩქარონ სატრანსპორტო მშენებლობა დაშორებული ტყის მასივების ექსპლოატაციის დასაწყებად; იმავე მიზნით დააჩქარონ საკუთარი კაპან-ზიდვის ტრანსპორტის შექმნა ა/კსფსრ სახალხო კომისართა საბჭოს 1930 წლის ნოემბრის 26-ის დადგენილებების შესაბამისად.

წინადადება მიეცეს შეშა-ხეტყის დამზადების საქმისათვის დანიშნულ ა/კსფსრ სახალხო კომისართა საბჭოს განსაკუთრებულ რწმუნებულს განიხილოს ერთი დეკადის ვადაზე ყველა დამზადებელი ორგანიზაციის 1931 წლის გეგმა ხეტყის დამზადებისა და დამზადებათა საჯუჟლო გეგმა წარმოუდგინოს ა/კსფსრ სახალხო კომისართა საბჭოს დასამტკიცებლად.

მიენდოს ა/კსფსრ მუშათა და გლეხთა ინსპექციის სახალხო კომისარიატს შეამოწმოს 1931 წლის თებერვლის 25-თვის ამა დადგენილების შესრულება და ამავდროულად მისცეს მუშათა და გლეხთა ინსპექციის სარაიონო რწმუნებულთ დირექტივები დაამყარონ კონტროლი და მეთვალყურეობა შეშა-ხეტყის დამზადების საქმის მსვლელობისათვის.

მოსმენილ იქნეს ა/კსფსრ სახალხო კომისართა საბჭოს სხდომაზე, არა უგვიანეს 1931 წ. მარტის 1-სა, მოხსენებანი: ა/კსფსრ მუშათა და გლეხთა ინსპექციისა—შემოწმების შედეგების შესახებ და შტაბისა—შეშა-ხეტყის დამზადების საქმის მსვლელობის შესახებ.

ა/კსფსრ სახალხო კომისართა საბჭოს
თავმჯდომარე **მ. ორახელაშვილი.**

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1921 წ. თებერვლის 9.

№ 331.

ტფილისი.

გამოქვეყნებულია „ზარია ვოსტოკა“-ს 41 №-ში 1931 წ. თებერვლის 11-ს.

დადგენილება ა/კსფსრ სახალხო კომისართა საბჭოსი.

47. 1931 წლის საგაზაფხულო თესვის კამპანიის პერიოდში სამინდვრე კულტურების კონტრაქტაციის შესახებ.

ხუთწლედის პირველი ორი წლის გეგმის წარმატებით შესრულება შესაძლებლობას იძლევა მიმდინარე, მესამე გადამწყვეტ წელს გაძლიერებულ იქნეს პროლეტარული სახელმწიფოს დახმარება სოფლის მეურნეობისათვის, რისთვის-

საც გადიდებულ უნდა იქნეს კაპიტალების დაბანდება, ორგანიზებულად უნდა წარიმართოს საკოლმეურნეო მოძრაობის ახალი ტალღა, განხორციელებულ უნდა იქნეს კულაკობის შემდგომი შეზღუდვისა და გამოდენის პოლიტიკა, როგორც ხელსაყრელი პირობების მომზადება პარტიისა და მთავრობის ძირითადი ღონისძიებების განხორციელებისათვის—კულაკობის, როგორც კლასის, ლიკვიდაცია მთლიანი კოლექტივიზაციის საფუძველზე.

ამისდაშესაბამისად ა/კსფსრ სახალხო კომისართა საბჭო წინამდგომარე საგაზაფხულო საკონტრაქტაციო კამპანიისათვის საჭიროდ სთვლის შემდეგ ძირითად ღონისძიებათა განხორციელებას:

სახელმწიფოს მიერ სოფლის მეურნეობისათვის გასაწევი დახმარების ღონისძიებანი.

1. 1931 წლის გაზაფხულისათვის მოეწყოს ა/კსფსრ-ში, 1930 წელს არსებულ 6 სამანქანო-სატრაქტორო სადგურის გარდა, კიდევ 18 სადგური, აქედან საბამებ რაიონებში—16. ამის გარდა უზრუნველყოფილ იქნეს წლის ბოლოსთვის სამანქანო-სატრაქტორო სადგურებზე 6 სამანქანო კოლონიის გაშლა.

2. 1931 წ. განმავლობაში ა/კსფსრ სოფლის მეურნეობისათვის წარიმართოს 2.558 ტრაქტორი (10-ძალიან ერთეულზე გადატანით); აქედან სამანქანო-სატრაქტორო სადგურების სატრაქტორო პარკისათვის—1.450, ისეთი ვარაუდით, რომ 1931 წ. გაზაფხულისათვის ა/კსფსრ-ში შემოზიდულ იქნეს 1.909 ტრაქტორი, აქედან სამანქანო-სატრაქტორო სადგურებისათვის—883.

3. 1931 წ. განმავლობაში შემოზიდულ იქნეს ა/კსფსრ სოფლის მეურნეობისათვის სასოფლო-სამეურნეო მანქანები, იარაღი და ინვენტარი, 1930 წ. განსაკუთრებულ კვარტალში 5,4 მილ. მან. რაოდენობით შემოზიდულის გარდა, კიდევ 15,2 მილ. მანეთისა (1929-30 წ. ფაქტიურად რეალიზებულ 10 მილ. მანეთთან შედარებით). ამასთანავე, მანქანებით მომარაგება საგაზაფხულო სასოფლო-სამეურნეო კამპანიისათვის უნდა შეადგენდეს არა ნაკლებ 10,5 მილ. მანეთისა.

4. წინადადება მიეცეს ა/კსფსრ მიწათმოქმედების სახალხო კომისარიატს, კოლექტიურ მეურნეობების და ღარიბ და საშუალო მეურნეობების მოსავლიანობის გადიდებისათვის, მოამარაგოს სამეთესლეო კოლექტიური მეურნეობანი საანეულო კულტურების ჯიშინი თესლით, და მარცვლეულს, საბოსტნე, ზეთოვანი და საკვები კულტურების ჯიშინი და გაუმჯობესებულ თესლით ნათესი ფართობი მიღწევივინებულ იქნეს 18.000 ჰექტარამდე.

5. წინადადება მიეცეს მთავარი სამეზამეო კომიტეტის რწმუნებულს ა/კსფსრ-ში, ა/კ. მცენ. ზეთ. ტრესტს, ა/კ. ბოსტან-ხილეულის შენაერთს და მეთესლეობის ტრესტისა, ახალი ხრალეული კულტურების ტრესტისა, მეთამბაქობის მრეწველობის საკავშირო შენაერთისა, პურის მრეწველობის საკავშირო შენაერთისა და სხვა სადარგო შენაერთების ამიერკავკასიის კონტორებსა და სასოფლო-სამეურნეო კოოპერაციის ამიერკავკასიის კავშირს—უზრუნველყოფნ ტენიკური კულტურებისა, ცერცვოვანი კულტურებისა, ბოსტნეული კულტურე-

ბისა, კარტოფილისა, ბალახეულისა და სხვ. დაკონტრაქტებული ფართობები როგორც შემოზიდული, ისე ადგილობრივ დამზადებული ვარგისი თესლეული მასალით.

წინადადება მიეცეს ა/კსფსრ შედგენილობაში შემაჯავლი რესპუბლიკების მიწათმოქმედების სახალხო კომისარიატებს—უზრუნველჰყონ მარცვლეული კულტურების სათესლე მასალით ცალკეული კოლექტიური მეურნეობანი და ღარიბი მეურნეობანი დამზღვევი ფონდების გამოყენებით. წინადადება მიეცეს პურის მრეწველობის საკავშირო შენაერთის ამიერკავკასიის კონტორას ვასცეს კოლექტიურ მეურნეობებში ბრინჯის დასათესად 535 ტონნა სათესლე მასალა და აღმოსავლეთი საქართველოს მოუსავლიანი რაიონებისათვის 900 ტონნა სიმინდი ადგილობრივი დანამზადდნ.

ა/კსფსრ მიწათმოქმედების სახალხო კომისარიატმა და მომარაგების სახალხო კომისარიატმა უნდა იხმარონ ყოველი ღონისძიება, რათა ზემოაღნიშნულმა ორგანიზაციებმა თავის დროზე შემოზიდონ სათესლე მასალა და მოამარაგონ დაკონტრაქტებული მეურნეობანი.

6. უზრუნველყოფილ იქნეს, საერთოდ, მინერალური სასუქის შემოზიდვა ა/კსფსრ სასოფლო მეურნეობისათვის 1931 წელს 2.458.000 მან. თანხისა; აქედან ზამბისათვის—2.010.000 მანეთისა და ჩაისთვის—320.000 მან.

7. 1931 წელს გაშლილ უნდა იქნეს მუშაობა ა/კსფსრ სოფლის მეურნეობის მთავარ მავნებლებთან ბრძოლისათვის საერთო მოცულობით: 90.500 ჰექტარის ფართობზე—მაროკოს ჭიის წინააღმდეგ, 20.000 ჰექტარის ფართობზე—„შისტოცერკი“-ს წინააღმდეგ, 16.000 ჰექტარის ფართობზე—იტალიური კალის წინააღმდეგ, 30.500 ჰექტარის ფართობზე—მინდვრის კრიკინას წინააღმდეგ, 250.000 ჰექტარის ფართობზე—თაგვების წინააღმდეგ, 85.000 ჰექტარის ფართობზე—ზამბის მავნებლის წინააღმდეგ, 34.500 ჰექტარის ფართობზე—ბალისა, ბოსტნისა და ბალჩის მავნებელთა წინააღმდეგ, 5.000 ჰექტარის ფართობზე—თამბაქოს მავნებლის წინააღმდეგ და 5.000 ჰექტარის ფართობზე—ჩაის მავნებლის წინააღმდეგ. ამის გარდა უნდა მოხდეს 128.000 ტონნა მარცვლეული კულტურების სათესლე მასალის დაწამვლა, აქედან საგაზაფხულო თესვისათვის—29.500 ტონნა მასალისა.

8. ა/კსფსრ შედგენილობაში შემაჯავლი რესპუბლიკების მიწათმოქმედების სახალხო კომისარიატებმა და მომარაგების სახალხო კომისარიატებმა, დამაკონტრაქტებელ ორგანიზაციებთან და სადარგო შენაერთებთან ერთად, უნდა დაუკავშირონ ზემოაღნიშნული ღონისძიებანი კონტრაქტაციის სარაიონო გეგმებს და უზრუნველჰყონ რაიონების მიერ გეგმების სოფლადაღე და კოლექტიურ მეურნეობამდე თავის დროზე მიწვდენა.

კონტრაქტაციის წესი და პირობები.

1. მარცვლეული, ცერკოვანი, ტენიკური და ხილეულ-ბოსტნეული კულტურების საანეულო ნათესთა კონტრაქტაცია ჩატარებულ იქნეს შემდეგი რაოდენობით:

	ა/კსფსრ		აზ. სსრ		სომ. სსრ		საქ. სსრ	
	ფართობი ათას ჰექტარობით	აქედან კულექტიურ მუერნ.	ფართობი ათას ჰექტარობით	აქედან კულექტიურ მუერნ.	ფართობი ათას ჰექტარობით	აქედან კულექტიურ მუერნ.	ფართობი ათას ჰექტარობით	აქედან კულექტიურ მუერნ.
მარცვლეული კულტურები:								
ხორბალი	55,0	25,0	—	—	35,0	20,0	20,0	5,0
ქერი	55,0	23,0	—	—	35,0	15,0	20,0	8,0
სიმინდი	120,3	60,3	—	—	0,3	0,3	120	60,0
ბრინჯი	25,0	14,12	25,0	14,12	—	—	—	—
ტექნიკური კულტურები:								
ბამბა	230,6	115,0	192,5	95,2	23,9	15,05	14,2	4,75
თამბაქო	28,7	11,02	0,86	0,26	2,5	1,0	25,34	9,76
კენაფი	14,1	11,9	6,1	4,9	—	—	8,0	7,0
კანაფი	3,0	—	2,0	—	0,3	0,1	0,7	—
სოია	50,9	28,3	1,69	0,4	—	—	49,21	27,9
სოია კვლებს შუა	50,9	23,2	—	—	—	—	50,0	23,2
არახისი	0,79	0,58	0,1	0,02	—	—	0,69	0,56
ხილეულ-ბოსტნეული კულტურები:								
კარტოფილი	17,0	5,45	5,0	1,45	6,0	2,0	6,0	2,0
ბოსტნეული	8,5	—	2,5	—	1,36	—	4,64	—
ვაშლი და მსხალი *) . . .	47,75	—	15,2	—	0,55	—	32,0	—
ყურძენი საკმელად	4,5	—	3,5	—	1,0	—	—	—
თხილი	9,05	—	7,4	—	—	—	1,05	—

სხვა კულტურების გეგმას დაადგენს ა/კსფსრ მომარაგების სახალხო კომისარიატი მიწათმოქმედების სახალხო კომისარიატთან ერთად.

*) ვაშლი, ყურძენი და თხილი ათას ტონობით.

2. კონტრაქტაციის ჩატარება დაეკისროს სასოფლო-სამეურნეო კოოპერაციის რესპუბლიკანურ სადარგო ცენტრებს, ამ კოოპერაციის ქვედა ქსელის მეშვეობით, სასოფლო-სამეურნეო კოოპერაციის ამიერკავკასიის კავშირისა და ამიერკავკასიის საკოლმეურნეო ცენტრის საერთო საორგანიზაციო ხელმძღვანელობით.

3. დაევალოს სასოფლო-სამეურნეო კოოპერაციის სისტემას ჩატაროს კოლექტიური მეურნეობებისა, სადასახლებულო ამხანაგობებისა, უმარტივესი საწარმოო შენაერთებისა და მთესველთა ჯგუფების კონტრაქტაცია.

კულაკურ-შემღებელი მეურნეობანი დაკონტრაქტებულ არ უნდა იქნენ და ისინი თესვას და პროდუქციის ჩაბარებას აწარმოებენ მათთვის მიცემულ მტკიცე დავალებათა მიხედვით.

კულაკურ-შემღებულ მეურნეობათა მტკიცე დავალებებით მოკვა ტხნიკური კულტურების ხაზით განსაზღვრულ იქნეს 3—6%ის რაოდენობით რესპუბლიკებში, ხოლო ცალკეულ რაიონებში—არა უმეტეს 7%ისა.

4. დაევალოს რესპუბლიკანურ ორგანიზაციებს დაუყოვნებლივ დაანაწილონ გეგმა რაიონებზე და ერთი დეკადის ვადაზე გეგმა მიაწვდინონ სოფლამდე და კოლექტიურ მეურნეობამდე; ამასთანავე, გეგმა განხილულ უნდა იქნეს სოფლის ყრილობებზე და კოლმეურნეთა კრებებზე სოფლის მოსახლეობის ღარიბი და საშუალო ფენების ფართო მონაწილეობით.

5. წინადადება მიეცეს დამაკონტრაქტებელ ორგანიზაციებს—სოფლამდე და კოლექტიურ მეურნეობამდე მისაწვდენი საკონტრაქტაციო გეგმების დამუშავება დაუკავშირონ სოფლის მიერ თესვის გეგმისა და კოლექტიური მეურნეობის მიერ საწარმოო გეგმის დამუშავებასა და მიღებას.

6. დაევალოს დამაკონტრაქტებელ ორგანიზაციებს კრედიტები და მანქანები აძლიონ პირველ რიგში იმ კოლექტიურ მეურნეობებს, რომელთაც თავიანთი ნათესი დააკონტრაქტეს სარაიონო კოლექტიურ მეურნეობათა კავშირის მიერ დამტკიცებული მათი საწარმოო გეგმის შესაბამისად, და, კოლექტიური მეურნეობების დაკაყოფილების შემდეგ, კრედიტები და მანქანები აძლიონ აგრეთვე უმარტივეს საწარმოო შენაერთებსა და სხვ.

7. გასაცემი მანქანებისა და საწარმოო კრედიტების გარდა, შემოღებულ იქნეს ფულადი ავანსირება ყველა კულტურის ნათესის მოვლისა და მოსავლის აკრეფისათვის, ხორბლისა, ქერისა, შვრიისა და სიმინდის გამოკლებით.

საკონტრაქტაციო ფულადი ავანსის რაოდენობას და გაცემის წესს განსაზღვრავს ა/კსუსრ მომარაგების სახალხო კომისარიატი საკავშირო ორგანოების დირექტივების შესაბამისად და შემდეგი პირობების სახელმძღვანელოდ მიღებით:

ა. მარცვლეული კულტურები—ხორბალი, ქერი, შვრია, სიმინდი—უფავანსო (არაფულადი) კონტრაქტაცია.

ბრინჯი—ფულადი ავანსირება მიაღად დაკონტრაქტებული ფართობისათვის კოლექტიურ მეურნეობებში და ინდივიდუალურ ღარიბ და საშუალო მეურნეობებში.

ცერცოვანი კულტურები—ფულადი ავანსირება კოლექტიურ მეურნეობებსა და ინდივიდუალურ მეურნეობებში დაკონტრაქტებული ფართობის 75%-სათვის.

ტექნიკური კულტურები—ფულადი ავანსირება მთლად დაკონტრაქტებული ფართობისათვის კოლექტიურ მეურნეობებში და ინდივიდუალურ ღარიბ და საშუალო მეურნეობებში.

ხილეულ-ბოსტნეული კულტურები—ფულადი ავანსირება მთლად დაკონტრაქტებული ფართობისათვის კოლექტიურ მეურნეობებში და ღარიბ და საშუალო მეურნეობებში.

ბ. დაწესებულ იქნეს დიფერენციაცია ფულადი ავანსისა და პურით მომარაგებისათვის; ამასთანავე, კოლექტიურ მეურნეობათ უნდა მიეცეს 30%-ით მეტი ავანსი, ვიდრე ინდივიდუალურ მეურნეობათ; კარტოფილისათვის ავანსი გაცემულ უნდა იქნეს ან სათესლე მასალით ან ფულად.

ბ. ფულადი ავანსის გაცემის ვადები უნდა შეეფარდოს ყველა კულტურის ძირითადი საწარმოო პროცესების ჩატარების პერიოდს.

8. მიენდოს ა/კსფსრ მომარაგებისა და მიწათმოქმედების სახალხო კომისარიატებს დაადგინონ წესი მესველთათვის სათესლე მასალის საკონტრაქტაციო ხელშეკრულებით მიცემისა.

9. დაწესებულ იქნეს კონტრაქტების მტკიცე მომარაგება პურით იაფ სახელმწიფო ფასად ხელშეკრულობის დადებისა, ჭირნახულის დამუშავებისა და ჩაბარების პერიოდში შემდეგი კულტურებისათვის: ბამბისა, თამბაქოს, კენაფისა, ბრინჯისა, კანაფისა, სოიასი, არახისისა, ხილეულ-ბოსტნეულისა, ყურძნისა და ლენისათვის.

დანარჩენი კულტურებისათვის, გარდა ამა მუხლში აღნიშნულისა, პურით მომარაგების რაოდენობის და წესის განსაზღვრა დაეკისროს ა/კსფსრ მომარაგების სახალხო კომისარიატს, რომელსაც, ამავე დროს, დაევალოს შუამდგომლობის აღძვრა საკავშირო ორგანოების წინაშე საქირო ფონდების გამოყოფის შესახებ.

10. დაკონტრაქტებული მეურნეობების მომარაგება დეფიციტიანი სამრეწველო საქონლით სახელმწიფო ფასებისდაკვალად განხორციელდება სოფლის მომარაგებისათვის დადგენილი წესისამებრ; ამასთანავე, სამრეწველო საქონლის ყიდვის უპირატესი უფლება აქვთ იმ მეურნეობებს, რომელთაც პირნათლად შეასრულეს საკონტრაქტაციო ხელშეკრულებით ნაკისრები ვალდებულება ჭირნახულის თავის დროზე და შესაბამისად კულტივირებისა, დამუშავებისა და მოსავლის შეპირებული რაოდენობით ჩაბარების სფეროში.

სამომხმარებლო კოოპერაციის კავშირმა და სასოფლო-სამეურნეო კოოპერაციის კავშირმა ორი დეკადის ვადაზე უნდა შეიქმნათ კონტრაქტაციის რაიონებში სამრეწველო საქონლის შეზიდვის გეგმა და წარუდგინონ იგი დასამტკიცებლად ა/კსფსრ მომარაგების სახალხო კომისარიატს.

ა/კსფსრ მომარაგების სახალხო კომისარიატმა უნდა იხმაროს ღონისძიება ფონდების თავის დროზე გამოყოფისა და რაიონებში საქონლის იმ ვადაზე შეზიდვისათვის, რაც დაკონტრაქტებული ჭირნახულის დამუშავების ძირითადი საწარმოო პროცესების დამთავრებას შესაბამება.

11. წინადადება მიეცეს ა/კფსრ მომარაგების სახალხო კომისარიატს ცალკე გაითუალისწინოს I და II კატეგორიის მშრომელი ქალაქების მომარაგებისათვის და ვადამშუშავებელი მრეწველობის დატვირთვისათვის საჭირო პროდუქციის კონტრაქტაცია, რისთვისაც უნდა განსაზღვროს სპეციალური ზონები და სათანადო დანიშნულება მისცეს ამ ზონების პროდუქციას.

12. მიენდოს ა/კფსრ მომარაგებისა და მიწათმოქმედების სახალხო კომისარიატებს ხუთი დღის ვადაზე დაამტკიცონ, ამა დადგენილების საფუძველზე, ტიპური ხელშეკრულებები.

13. წინადადება მიეცეს დამაკონტრაქტებელ ორგანიზაციებს დაუყოვნებლივ ფართოდ გაშალონ ხელშეკრულობათა დადების კამპანია და მთლად საკონტრაქტაციო კამპანიის ჩატარება დაამთავრონ აპრილის 15-თვის. ა/კფსრ მომარაგების სახალხო კომისარიატმა უნდა გააზუსტოს კამპანიის საბოლოო ვადა თვითიული კულტურისათვის ცალკე.

14. კონტროლისა და მეთვალყურეობის გაწევა კამპანიის მსვლელობისა და დამაკონტრაქტებელი ორგანიზაციების მუშაობისათვის დაეკისროს სახელმწიფო სადარგო შენაერთებს—ა/კფსრ მომარაგებისა და მიწათმოქმედების სახალხო კომისარიატების და მათი რესპუბლიკანური ორგანოების საერთო ხელმძღვანელობით.

15. წინადადება მიეცეს ა/კფსრ მომარაგებისა და მიწათმოქმედების სახალხო კომისარიატებს, ამა დადგენილების საფუძველზე და განსავითარებლად, მიაწოდონ ხუთი დღის ვადაზე, ვისაც ჯერ არს, დამატებითი და დაწვრილებითი დირექტივები თვითიული კულტურისათვის ცალკე და მოათავსონ ამ დირექტივებში აგრეთვე ნორმები და წესი პურით მომარაგებისა და ფულადი ავანსირებისა, როგორც კონტრაქტაციის ვადების, ისე პირობების მიხედვით.

16. მიენდოს ა/კფსრ შრომის სახალხო კომისარიატს შეიმუშაოს, დაინტერესებულ ორგანიზაციებთან ერთად, საკითხი იმ სამუშაოების კადრებით—პირველ რიგში მუშა-ძალით—უზრუნველყოფისა, რაც განხორციელებულ უნდა იქნეს ამა დადგენილებით ვათუალისწინებული საკონტრაქტაციო გეგმის ფარგლებში ქირნახულის დამუშავებისა და აკრეფისათვის.

17. რადგანაც საკონტრაქტაციო კამპანიის თავის დროზე და წარმატებით განხორციელებას უდიდესი სამეურნეო და პოლიტიკური მნიშვნელობა აქვს, ა/კფსრ სახალხო კომისარიატი მოუწოდებს ამიერკავკასიისა, რესპუბლიკანურ და სარაიონო საბჭოთა-სამეურნეო, საკოლმეურნეო-საკოოპერატივო და საზოგადოებრივ ორგანიზაციებს მოახდინონ მთლად თავიანთი ძალების მობილიზაცია სოფლის სოციალისტურად გარდაქმნის საქმეში ვადამწვევტი წარმატების უზრუნველსაყოფად.

ა/კფსრ სახალხო კომისართა საბჭოს
თავმჯდომარის მოადგილე **მ. ვეიაზარიანი.**

ა/კფსრ სახალხო კომისართა საბჭოს
საქმეთა მმართველის თან. დრ. აღმ. **ნ. სოკოლოვსკი.**

1931 წ. თებერვლის 23.

№ 333.

ტფილისი

გამოქვეყნებულია „ზარია ვოსტოკა“-ს 54 №-ში 1931 წ. თებერვლის 24-ს.

დადგენილება № 1 ა/კსფსრ უმაღლესი ეკონომიური საბჭოსი.

48. ა/კსფსრ-ის სარწყავ რაიონებში უმარტივეს წყალსაკულტურო ღონისძიებათა (წყალმინიმუმი) სავალდებულო წესით ჩატარების შესახებ.

სარწყავი სისტემების ექსპლოატაციისა და წყალსარგებლობის არსებული არარაციონალური ხერხი და პირობები ა/კსფსრ საბამე რაიონებში, სადაც წყლის რესურსები ისედაც ნაკლებია, თვალსაჩინოდ აფერხებს სოფლის მეურნეობისა და მეზამბეობის განვითარებას. ამ გარემოების გამო და იმ მიზნით, რათა წყალმოსარგებლეთა მასებში შთაინერგოს წყალსარგებლობის რაციონალური მეთოდები, ა/კსფსრ უმაღლესი ეკონომიური საბჭო ადგენს:

წინადადება მიეცეს ა/კსფსრ შედგენილობაში შემავალი რესპუბლიკების ეკონომიურ თათბირებს იხმარონ სათანადო საშუალება, რათა სავალდებულო წესით განხორციელებულ იქნეს შემდეგი უმარტივესი წყალსაკულტურო ღონისძიებანი.

1. დაავალონ საბჭოთა მეურნეობებს, სახელმწიფო ორგანიზაციებს, კოლექტიურ მეურნეობებს, სხვა ორგანიზაციებს და სოფლის საზოგადოებებს, აგრეთვე ცალკეულ წყალმოსარგებლებს მოამზადონ რწყვის პერიოდისათვის სარწყავი მიწის ნაკვეთები ჰოსარწყავად: ამოაღონ ძირკვები, გაასუფთაონ მიწა ქვისა და შამბისაგან, ამოაესონ ღრანტეები და ორმოები და ააცილონ სხვა დაბრკოლება, რაც უშლის წყლის თავისუფლად დენას.
2. გაიყვანონ თავიანთ ნაკვეთებზე რუები ისე, რომ წყალი არ იკარგებოდეს და ეს ქსელი შეუერთონ საზოგადო რუს იმ ადგილას, რაც ნაჩვენები იქნება წყლის ადმინისტრაციის მიერ.
3. აწარმოონ მიწის ზამთრობით მორწყვა (არათი) ისეთ ფართობებზე, რასაც უჩვენებს აგრონომიული და წყლის მეურნეობის პერსონალი.
4. ვინიცობაა გამწვანდა სარწყავი წყლის გამოყენება და იგი ნაკლებადაა, შეაჩერონ მარცვლეული კულტურების მორწყვა იმ პერიოდში, რაც დაწესებულია ბამბის ნათესის მორწყვისათვის.
5. რეგულიარულად ასუფთაონ არხები სარეველა ბალახისა, შამბისა და ქვებისაგან, რათა არხებში წყალი ნაკლებად იკარგებოდეს.
6. ყველა სარწყავი კულტურის მორწყვა აწარმოონ წყლის ადმინისტრაციის მიერ დანიშნულ ვადაზე.
7. არ გააჩერონ უკვე გამოყენებული სარწყავი წყალი თავიანთ ნაკვეთებზე, ან არ დაავუბონ იგი ახლო მდებარე ნაკვეთებზე, გზებზე, ცარიელ ადგილებზე და სხვ. და მიუშვან ისეთ ადგილებში, რაც ნაჩვენებია წყლის ადმინისტრაციის მიერ (უახლოეს გადასადგებში, წყალშესაკრებში, არხში და სხვ.).
8. მიიღონ წყალი საზოგადო სარწყავიდან მხოლოდ ჯუჟარის ნებართვით და ჩვენებით და, მორწყვის დამთავრებისთანავე, წყალმოსარგებლებმა თვით დაკეტონ იგი.

9. არ დასტოვონ ნაკვეთებზე მიშვებული წყალი უზედამხედველოდ და მოაწესრიგონ მისი თანაბარი განაწილება; თანაც წყალი ხარჯონ გაფრთხილებით და ეკონომიურად.

10. მორწყვა აწარმოონ მთელი დღედაღამის განმავლობაში (დღითაც და ღამითაც); ამასთანავე, ღამით მორწყვის დროს არ უნდა დასტოვონ ნაკვეთზე მიშვებული წყალი უზედამხედველოდ და უნდა შეასრულონ ყველა ის წესი, რაც დღისით მორწყვისათვის არსებობს.

11. შეასრულონ, წყლის ადმინისტრაციის დავალებით, საზოგადო სარგებლობის არხებზე სავალდებულო სამუშაოთა ნორმა საზოგადოებრივი საირრიგაციო ბეგარის წესით.

12. არ აძიონ საქონელი და არ ალევინონ მას წყალი არხებზე, არ გადარეკონ იგი ან ურმებით არ გადავიდნენ არხებზე, გარდა იმ ადგილებისა, რაც საამისოდ დანიშნულია წყლის ადმინისტრაციის მიერ, რათა თავიდან აცილებულ იქნეს არხის გაფუჭება, მორწყვის დაბრკოლება და გზებისა და დაბლობების მოღვრა.

13. არ აწარმოონ მიწის მორწყვა ერთბაში მოღვრავით აგრონომის უნებართვოდ.

14. არ გადალობონ არხები ამა თუ იმ ადგილას წყლის დონის აწევის მიზნით.

15. პასუხიმგებლობა ამ ღონისძიებათა შეუსრულებლობისათვის დაეკისროს ხოლმე დამნაშავეთ სარაიონო აღმასრულებელი კომიტეტების მიერ შემუშავებული სავალდებულო დადგენილებების თანახმად.

ა/კფსრ სახალხო კომისართა საბჭოს
თავმჯდომარე მ. ორახელაშვილი.

ა/კფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1931 წ. თებერვლის 8.

№ 1.

ტფილისი.

გამოქვეყნებულია „ზარია ვოსტოკა“-ს 42 №-ში 1931 წ. თებერვლის 12-ს.